

## ,Segremors‘ A

## Landesarchiv Thüringen – Hauptstaatsarchiv Weimar, Handschriftenfragmente Nr. 10

1<sup>ra</sup>

- 1 gawan von fyner not.  
 so were vnklegelich mÿn tot.  
 sin lebent ift nvtzer dan mÿn.  
 nv hore vrvnt malgrÿn.  
 5 sprach er an den felben ftvnt.  
 ift dir von gawane kvnt  
 daz ÿm ein man gehelfen mac.  
 wiltu danne beiten vber tac.  
 ich rite morgene vrû mit dir.  
 10 malgrim sprach wer fit ir.  
 daz ir vch vûr mezzet also ho.  
 uwer achte ftet nicht fo.  
 ir fit zÿ ivnc zÿ der verte.  
 sie ift ÿ gar zÿ herte.  
 15 ir fit vûl groz vñ vûl lanc.  
 doch dvnket ir mir zÿ kranc.  
 ÿ ift der lip noch fo mÿre  
 daz ich vorchte daz man vûrlûre  
 an ÿ hoffenvnge.  
 20 wan ob ÿ misselvnge.  
 so were beiderthalp vûrlorn.  
 ez ift bezzer ÿ. vurnborn.  
 were ÿ gefcoren uwer bart.  
 ÿ were ein fufgetane vart.  
 25 dannoch alzÿ fwere.  
 nv volget mÿner lere.  
 vnde belibet daz ift ÿ gût.  
 ich bin der des nicht netût.  
 ich wil pris ir werben.

30 oder ich wil by namen sterben.  
 du fagest mir von der ivgent.  
 die ivgent hat groze tugent.  
 sol ich ymmer pris gewynnen  
 ich mvz is an zit begynnen.  
 35 trofte wol daz ift gut.  
 gut troft machet hoen mut.

I<sup>rb</sup>

vnde sterket den man.  
 ich wil ob is mir got gan.  
 den lip harte weynich sparn  
 40 got ruche mich bewarn.  
 ich wil nemelichen varn.  
**I**ch wil uwer beiten.  
 ir fult aber uch bereiten.  
 nv ir vch dvnket also vrome.  
 45 waz danne ob ich is an arbeit kome.  
 so hoffe ich doch vn̄ han ich heil.  
 v̄ gevalle daz arger teil.  
 ich ne erre v̄ der verte nicht.  
 swaz v̄ aber da gefcicht.  
 50 des wil ich wafen ane nit.  
 nv la sen wie kv̄ne ir fit.  
 Segremors die smahen wort.  
 die her da hete gehört.  
 mit gūten zuchten v̄rtr̄c  
 55 doch was fin forge groz gen̄vc.  
 daz scheiden von den vrvnden.  
 die da vmme ftvnden.  
 v̄gete im iamer vnde leit.  
 so twanc in aber fin manheit.

60 daz er sich vroliche hielt.  
 vñ daz truren von yme schielt.  
 do gienc er nach vrlobe.  
 allenthalben in dem hobe.  
 vñ grūzte diffen vñ den.  
 65 do quam ouch z̄v Nyoben.  
 der sconen vnde der ivngen.  
 do sie gar betwngen.  
 sin gem̄vte hete.  
 daz er mit gantzer stete.  
 70 durch sie an wage wolte geben.  
 sin lip. sin gūt. sin leben.  
 her sprach vrouwe nv entfat.

1<sup>va</sup>

minen dieneft als ich bat.  
 ich bin of m̄ynem wege.  
 75 so daz ich v̄ ymmer pflege.  
 dieneft mit truwen.  
 ir fult ymmer buwen.  
 an m̄ynem hertzen mitten.  
 ich vare von den britten.  
 80 eyne zwiveliche vart  
 swa ich hinnen werde gekart.  
 so fol v̄ daz gewizzen sin.  
 daz ich al den dieneft m̄yn.  
 v̄ z̄v hulden keren fol.  
 85 nv bedarp ich uwer stivre wol.  
 daz ir mir geben uvern segen.  
 geruchet ir min da mite pflegen.  
 vnde gvnnet ir mir gūtes.  
 so bin ich hohes m̄vtes.  
 90 vñ mir ne mac gefcaden nicht.

mac vch daz gevromen icht.  
 ir habet gûte gvnft von mir.  
 sit dem male daz ouch ir.  
 mir fo holt gemv̄te traget.  
 95 worde dan vch von mir vûrfaget.  
 so kvndich vnwitzte pflegen.  
 ir fult haben vnder wegen.  
 mýnen wunfch v̄n mýnen fegen.  
**L**ieber troft der machte.  
 100 daz im ſin hertze lachte.  
 her neic ir v̄n gienc von dan.  
 nv horet waz die mýnne kan.  
 die mýnne ir veret manegen mv̄t.  
 dem ſie ſit genade tût.  
 105 minne die git ſmertzten.  
 vnde vreuden dem hertzen.  
 minne die git beide.  
 liebe vnde leide.

I<sup>vb</sup>

minne die flet wunde.  
 110 vnde heilet die von grvnde.  
 die weſle iſt der mýnne ſpil.  
 swenne ſie aber vurbýnden wil.  
 den man von vngemache.  
 so kan ſie fulhe fache.  
 115 daz ſie ſanfte enbýndet.  
 daz man an ir vindet.  
 den troft. der den man gewert.  
 alles des ſin hertze gert.  
 eýnes gvmpelpſpils ſie hie began.  
 120 do ſegremors der ſtoltze man.

von der ivncvrouwen gienc.  
vñ ir vrlob vntfienc.  
do brachte die mýnne.  
der maget an ir finne.  
125 eýnen nuwen gedanc  
so daz fie mit zwivele ranc.  
vñ gedachte waz fie tete.  
sit dirre ritter hete.  
sich an ir gewalt gegeben.  
130 vñ ir genaden wolte leben.  
vñ an ir dienest welde varen.  
wie fie sich mv̇chte bewaren.  
daz manz ir nicht missewende.  
sie gedachte ob ich im sende.  
135 mines kleýnotes etewaz.  
im gelvnge destē baz  
sit er mir so holt ist.  
we waz sol diffe vnder list.  
gedachte fie aber san zv̇ stvnt.  
140 ez ist ein vmbehende vunt.  
waz mv̇chte im gehelfen daz.  
ich wene mir gezeme baz.  
daz ich selbe mit im vare.  
vñ ich in leides beware.